

Кузь нэм да бур шуд!

Эжва йывлөн слава

Марфида Николаевна Юшкова

Чужис 1922 вося июль 20 лунö Лузаберд районса Мишаково деревняын. Сыктывкарса педучилище помалом бöрын веськөдлiс Джеджимса начальнöй школаөн, велöдiс ичöт класстясса челядьöс Ичöт Кужса да Кужса школаясын, ставсö 37 во. Бöрйылисны сиктсöветса депутатөн.

Верöсыскöд быдтiс да велöдiс нель челядьöс.

Бур уджысь сетiсны РСФСР-лөн народнöй просвещениеса отличниклысь ним.

Öнi шойччöг вылын, олö Ичöт Кужйын.



Дарья Р

Эжва йывса войтырлөн газет

Петö 1929 восянь

Четверг, 2011 вося май 26 лун 64 (10339)-öд №

Вылитi
лэбалан,
да улö
пуксян

(коми шусьöг)

АСКИ - БИБЛИОТЕКАЯСЛÖН СТАВРОССИЯСА ЛУН

ЧОЛÖМАЛÖМ

Библиотекасын пыдди пуктана уджалысьяс!

Пöся чолöмалам библиотекаяслөн Ставроссияса лунөн!

Библиотекаяслөн лун лöо празникөн и библиотекаын уджалысьяслы, и книга радейтысьяслы, ставлы, кодтяслы книга лöо быдлунтъя водитчанторйөн, сёлöм бурмöдысьөн. Снам книга радейтысьяслы тшöкыджыка пыравлыны библиотекаö, шыöдчыны быдсикас могөн танi уджалысьяс дорö, медым и талун, и водзö вылö ёнмöдны да бурмöдны йöзкöд ёрта йитöдтяс.

«Кулöмдiн» муниципальнöй районса юралысь Д.А.ШАТОХИН.

Культура да национальнöй политика юкөнөн веськöдлысь Т.Н.ПОПОВА.



Ольга Егоровна Кузнецова - Кужса библиотекаын уджалысь. Топыд йитöд кутö школаяскöд да культура керкакöд, нубöд гажöдчана рыгтяс, конкурсыяс, викторинаяс, дасьтылö выставкаяс да с.в. Чукöртiс важся эмбур да вöчис торъя пельöс, дасьтiс сиктлөн история да олысьяс йылысь альбомтяс. Котыртiс бöрйысьяслысь клуб. Книгаяс-ён могмöдö и Озъягса да Уल्याнаса олысьясöс.

Петкöдчылö «Вося медбур библиотека» конкурсын, петалис медбуртяс лыдö.

Гижöд да снимок
Галина НЕСТЕРОВАЛÖН.

ТАЛУН - РОССИЯСА ПРЕДПРИНИМАТЕЛЬСТВОЛÖН ЛУН

Кулöмдiнысь Н.А.Бульшев, Сыктывкарса видз-му овмöс техникум помалöмөн, босьтiс техник-стрöительлысь специальносът, босьтчис уджавны 1202 номера ПМК-ын мастерён. Бöрындыжык уджысь ордчыгтöг помалис специальносът серти Ухтаса индустриальнöй институт.

Николай Арсентьевич уджалiс ПМК-ын 21 во. Веськöдлiс и стрöитчан котырөн, сылөн уджалысьяс районса сиктгясын кыпöдiсны олан керкаяс, быдсямапöлöс стрöйбаяс.

- Уджали эськö и водзö, но ПМК тушкысiс. 1997 восянь уджала ас вылö, - висьталiс Н.А.Бульшев.

Николай Арсентьевичлөн кум лавка: кык Кулöмдiнын да öти Кебангёлыын. Вузасö стрöитчан товараөн. Кöсiö кыпöдны Кулöмдiнын нöшта öти лавка.

Николай ЛЮТОЕВ.

Авторлөн снимок вылын: Н.А. Бульшев аслас киясөн вöчöм фонтан дорын.



ЧОЛÖМАЛÖМ

Сёлöмсянь чолöмалам профессия серти празникөн - Россияса предпринимательстволөн лунөн!

Предпринимательство - тайö мездлун, кывкутöм да зумыда кутчысьöм. Ичöт да шöр бизнес - тайö быдса класс йöзлөн, кодтяс олöмсö нуöдöны водзö. Найö ассыныс делö совмöдöм лыддöны вермöмлөн юкөн-өн, кодöс шедöдö страна.

Тайö праздник налөн, кодтяс

бöрйисны ашпöрлун, кывкутöм да совмöм, кодтяс оз повны сьöкыд-лунгьясысь. Тi збылысь вöчанныд тöдчана да кывкутана удж, пуктанныд тöдчана пай районлысь социальнöй зумыдлун лöсьöдöмö. Тiян зильмөн районса войтыр могмöд-сьöны товараьсөн да услугаьсөн, вössöны выль уджалан местаяс, содö районлөн бюджет.

Праздник лунö висьталам ыджыд аттё тiян авъялунысь, корсьы-

сьöмысь, водзмöстчöмысь, кодтясöс веськöдöма районлысь да сылөн йöзлысь олöм бурмöдöм вылö.

Снам районса став предпринимательлы дзоньвидзалун да водзö совмöм, сьöкыд да кывкутана уджын вермөгья!

Кулöмдiн муниципальнöй районса юралысь - районса администрацияөн веськöдлысь Д.А.ШАТОХИН.

«Кулöмдiн» муниципальнöй районлөн Сöветса председатель А.Н.КОНДРАШКИН.

РАЙОНСА АДМИНИСТРАЦИЯЫН

ШУАМ МЕДБУРÖС

Коми республикалөн «Коми республикаын наградаяс да ышöдöмтяс йылысь» законлөн коймöд статьяса медводзга юкөн подув вылын вынсьöдöма Коми республикалысь медвылö донъялöм - «Пыдди пуктана морт» медвылi ним. Законлөн квайтöд статья серти Коми республикалөн «Пыдди пуктана морт» ним сетсьö Коми республикаос социальнö-экономическöя совмöдöмö, мортылысь правояс дорйöмö, йöзлысь олöм да дзоньвидзалун видзöмö, обществоын шань олöм ёнмöдöмö торйөн тöдчана пай пуктöмысь, уджысь, кодi отсалö совмыны да дзоридзавны Коми республикалы, кыпöдны сийöс пыдди пуктöм Российскöй Федерацияын да сы сайын, сэтшöмтяслы, кодтяслы сетöма «Коми республикаса заслуженнöй уджалысь», «Коми республикаса народнöй артист», «Коми республикаса народнöй писатель», «Коми республикаса народнöй поэт», «Коми республикаса народнöй художник» Коми республикаса пыдди пуктана нимтяс.

Коми республикаса «Пыдди пуктана морт» ним

вичмöдöм могысь гөлöсуйтöм вылö Кулöмдiн районсянь вöзйöма:

Михаил Константинович Игнатовöс - Коми АССР-ысь народнöй овмöсса заслуженнöй уджалысьöс, Кулöмдiн районса пыдди пуктана мортöс;

Василий Григорьевич Лодыгинöс - СССР-ысь да Россияысь гижысьяслөн котырö пырысьöс, Коми ССР-ысь культураса заслуженнöй уджалысьöс;

Феликс Григорьевич Кармановöс - РСФСР-са заслуженнöй стрöитчысьöс, Кулöмдiн районса пыдди пуктана мортöс;

Рем Фёдорович Ракинöс - Коми АССР-ысь народнöй овмöсса заслуженнöй уджалысьöс, Кулöмдiн районса пыдди пуктана мортöс, Кулöмдiн районнын мортлөн правояс куза уполномоченнöйöс;

Нина Васильевна Туреваöс - Коми республикаса заслуженнöй врачöс, СССР-ысь здравоохранениеса отличникöс.

Пыдди пуктана районса войтыр, гөлöсуйтöй «асланыд» кандидаттяс вöсна. Бöржам Кулöмдiн районсянь «Пыдди пуктана морт» Коми республикаса медвылö пыдди пуктана ним вылö кандидатöс. Кулöмдiн районлөн сайтс татшöм: <http://ust-kulom.parma.ru>

